



Selasa, 11 Juni 2024

Ogen : 1 Raja-raja 18:18-19



Mere Man Nabi-nabi Asera



Mere man (memberi makan) biasana ipake ku bas sekalak permakan. Sabap sekalak permakan dahinna mereken man rubia-rubiana. Ibabana ku mbalmbal si meratah dukutna, ipeturutna kerina man seh besur. Ikawalina alu maba ciken ras kayan-kayanna lako ngolangi musuh siatena nggasgasi rubia-rubiana.

Renungenta enda nuriken sekalak ratu e me Isebel si mere man nabi-nabi Dewi Asera. Mere man i je ertina ngasuhi, ras ngikutken pengajaren nabi-nabi e. Ipebelinna pengajaren nabi e i bas pusuhna e maka la lit sitik pe ingan kata Dibata. Lit empat ratus nabi dewi Asera si iasuhi ratu Isebal. Tempa lit gegeh Dewi Asera mereken si mehuli man Isebel. Entah banci ia nampati tupung i bas kesusahen. Adi ukuri terdauhen, nabi-nabina pe Isebel nge si mersa man, ise nge si megegeh i je? Biasana si mere man e ikataken penampat, sabap ia ngasup mere man 400 nabi. Adi bage kai gunana nembah dewi Asera, adi nabi-nabina pe man beren man nge? La masuk akal tapi em kinatana maka Isebel maju dewi Asera si labo nagsup erbahan kai pe man bana.

Adi berhala entah gana-gana, si ibahan i bas bentuk patung e me jelma nge sierbahansa. Manusia nge si ngukirsa, ras sinjadikensa. Adi bage, me ndauh nge jagon manusia asangken patung siibahanna? Adi sada benda idewaken dungna banci lit kuasana. Tapi uga pe gegehna sada dewa/patung labo tertandingisa kuasa Dibata si nepa manusia ras kerina sinasa lit i doni enda. Pangenlah siasuhi kiniteken man Dibata bapanta, sabap IA nge si mere kita man ras singaturken geluhta tiap wari.

📖 Dibata nge si mere kita man